



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.







Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

Philosophical Transactions. N^o 200



III. *Edvardi Lvidii* apud Oxonienses Cimeliarchæ Ashmoleani, ad *Clariff. V. D.* Christophorum Hemmer, *Epistola* ; in qua agit de lapidibus aliquot perpetuâ figurâ donatis, quos nuperis annis in Oxoniensi & Vicinis agris, adinvenit.

Lubenter accepi (Vir ornatissime) quas ad nos per *Clariff. Lodbergium* dedisti literas ; jam antea eisdem responfurus, si vel id res postulasset, vel per otium faciliè licuisset. Gratias habeo quàm maximas, cùm ob multa alia, tum præcipuè quod circa *fossilia*, annotata quædam dum in Gallia peregrinatus sis nobiscum communicare volueris : speròque in patriam reducem, quid solum cimbricum ferat aliquatenus edoctrum. Nos etiam ex quo huic nostræ Academiæ valedixisti, hanc naturalis Philosophiæ partem non penitus neglectui habuimus : quanquam nosti, Vir Amicissime, quàm ad arctos limites damnatus sim, quamque (longè aliter ac vellem) ad naturæ opera investiganda, mihi parùm otii hæctenus obtigerit. Quare neque spolia longinqua expectes, neque propinquiora admodum multa. Quædam tamen ex hisce quæ occurrebant, rariora & magis elegantia (quoniam id rogas) in medium proferam : lapides nempe aliquot quibus numero pluribus, figura perpetuò eadem ; non minùs ac plantis & animalibus. Inter quos primum locum dabimus *Siliquaestro*, utpote quod toto genere novus sit (quantùm nobis saltem innouit) idemque rarissimus, nec inelegans lapis. *Siliquastrum* autem appellare placuit, quod siliquæ lupini vel alterius cuiusdam leguminis, valvulum alterum [cavitate tamen repletâ] non parùm referat. *Siliquaestri* notæ genericæ

nericæ sunt, quod sit lapis figurâ plerèque ad *Siliquæ* valvulum (sublato concavo) accedenti; ex parte altera semper convexior; & (si marmoris instar fortuitò expolitos excipias) minutè admodum rugosus, seu ut explicatiùs loquar, crebrò & eleganter malleolatus: facie quasi oleo obductus, resplendenti: texturâ si comminuitur *Belemnitis* ferè adinstar striatâ. Hujus lapidis plures dantur varietates quarum præcipuas solummodo nunc vacat recensere.

Fig. 1. Siliquastrum ad Phaseoli valvulum quodammodo Vide *Fi-*
accedens; seu Siliquastrum Phaseolatum. Figuram titulus guras.
indicat; magnitudinem quod attinet, fescunciali est longi-
tudine, dimidium uncix latum, vix quadrantem crassum.
Quoad periferiam, aliud latus quodammodo falcatum est,
aliud (quod etiam magis acclive est) rectum: extremum
alterum lineâ obliqua cum duobus angulis clausum; alte-
rum non iteni. Ex parte pronâ superficies rectilateris
striata est, cæterùm leviter rugosa; & color anthraci-
nus, nisi quod ad utrùmque extremum, paululùm vi-
rescat. Ex parte supina, accretione quadam lapideâ
fœdatur, coloris rubiginosi. Inveni in lapidicina Wit-
neienfi, septimo ab urbe lapide; sed rarissimè occurrit.
Triplo aut quadruplo minores aliquot, in quibusdâ à
jam descripto differentes, habeo, è fodinâ Stunsfeldensi, in
hac provinciâ. 1. * Ejusdem lapidis varietas altera.

2. *Siliquastrum lupini Siliquam nonnihil referens:*
seu veniam dabis sic loqui, Siliquastrum lupinatum. Pha-
seolato subinde brevior est, at semper latior: colore in-
certo sed ut plurimum à pronâ parte nigro, vel ad nigri-
dinem accedenti; à supinâ rubiginoso. Sed & utrinq;
variat quoad colorem & superficiem. A parte gibbosâ
lineolis albis & maculis nescio quibus distinctum vidimus;
quod & Bufoniis lapidibus & Glossopetris quibuscunque
aliquando accidit. Sed & inveni unum aut alterum cui
à parte aversâ nescio quid appendicis adnasceret; in

qua virgulæ aliquot transversæ confpiciuntur, quasi æmissi cujusdam ignoti vestigia. Differt hic lapis à præcedente præcipuè, quòd sit latior magisque rectus, à neutro latere falcatus. In Anglia Mediterranea non admodum rarus est hic lapis. Vidimus in Latomia Garvordienfi in Bercheria, Witneix & Charltonix apud Oxonienses, ad pagum Rance in comitatu Northamptonix, Honeycomb Lash apud Waltonienses, &c.

Dantur etiam & in hoc genere lapides, quos pisi vulgaris & viciæ filiquas æmulari dixeris: verum istos impræsentiarum missos facimus.

3. *Siliquastrum minus, triangulum*; seu *minus conchæ adinstar rostellatum*. Colore & superficie cum reliquis convenit, ac figuram obtinet ab iis prorsus alienam. Tellinam enim aliquam vel (mavis) concham parvam Anglicanam *Listeri*, magis refert quam Siliquam. Verum ex facie cum externâ tum interiori siliquastrum se prodit. Stunsfeldix habuimus in agro Oxoniensi. (3 *) Siliquastrum Officulum è capite Afelli minoris referens (3 †) Os ipsum è capite Afelli minoris. (3. æ.) Os ex capite Afelli majoris cum fluore adnato.

4. *Siliquastro congener Punctularia gibbosa, quandoque tortilis, superficie marmorea*: seu *Siliquastrum gibbosum, marmoreum*, argutè admodum plerèque punctulatum. Superioribus magis tersum & expolitum est hoc siliquastrum: ex pronâ parte nunc magis, nunc minùs gibbosum; & colore ut plurimum nigricanti, aliàs subviridi, exalbido, &c. Ex parte aversâ seu interiori, nescio quâ ossèâ appendice munitur, coloris nigri vel rufescentis: sed hoc in plerisque desideratur. Utrunque in mucronem magis obtusum definit quàm priora. In multis quæ videre contigit exemplaribus, pars gibbosa soli obversa, minutula admodum & creberrima ostendit punctula; quæ hujus lapidis elegantia est non contemnenda. Passim occurrit in comitatu Bercheriano & Oxoniensi. Inveni in Lapidinis ad pagos Marcham Garvord & Stunsf.

Stunfield. (*) *Punctularia*, &c. minutis punctulis conspersa Stunfield. (†) *Punctularia tortilis*. (α) Ejusdem lapidis major varietas.

5. *Siliquaſtro accedens Ricinus* ; ſeu *Siliquaſtrum minimum inſtar Seminis Phaſeoli*. Ricinus lapis, ſiliquaſtrum eſt omnium quotquot hactenus videre contigit, minimum ; quod Ricini herbæ, vel etiam phaſeoli cujuſdam minoris ſemen, quadantenus exprimat. Supernè ſcaber eſt, planè ut ſiliquaſtra propriè ſic dicta ; colore aut fuſco aut atro-nitenti. Infrà vero decolor eſt, & informis. Witneix inveni inſtar Scarabæi, atronitentes ; Stunfeldiæ autem & ex atra nitentes, & fuſcos. Atque hæc dicta ſint de ſpeciebus ſiliquaſtri. Si verò anxius interrogas, quid exiſtimem de horum lapidum origine : utrum ſcilicet ſint lapides prorſus minerales, & in ipſa terra nati ; an potiùs extraneo alicui hanc formam & elegantiam debeant ? Reſpondeo nondum ſatis maturas eſſe noſtras obſervationes, ut id decernam. Conjicio tamen quòd hos lapides quos nos craſſa ignorantia laborantes ſiliquaſtra diximus ; poſteri ad minimum (ſi non hujus ſæculi Philoſophi) piſcium Dentes & Officula, tuto appelleverint. Certè quod ad ſiliquaſtrum minus, triangulum attinet ; vidimus aliquot ſpecimina, offiſculis iſtis vulgo notis ex *Aſellorum* capitibus non parùm conſimilia. Atque ut id obiter moneam ; iſta offiſcula in capſulâ penes me aliquandiu aſſervata, fluorem ſeu particulas cryſtallinas emiſiſſe comperi, vide *Fig. 3. a.* Quòd ſi id fecerint in capſulis incluſa ; certè multò magis in viſceribus terræ idem fieri æquum eſt judicare. Ut vero illud experimentum, ad explicandam marinorum metamorphoſin lapideam, non parum conferat : quibus tamen mediis tot ignota, eadèmq; maximi ponderis conchylia, in Britanniam Mediterraneam advecta ſint ; aut quo impellente tam altè in viſceribus rupium condita ; nobis ha-

ctenus.

Genus incompertum, fatemur. Sed omissis abditis rerum causis, ad effectus redeamus.

6. *Bufo majusculus atrorubens instar capsulae glandis quercinae* : lapidis *Bufo* varietas prima apud Anshelmum Boetium delineata. Colore est undiquaque ex atro subrubente ; quoad cætera, omnino convenit cum figura Boetii, p. 301. *Numb.* 1. Inveni in lapicidinâ Faringdonensi, apud Bercherianos ; sed rariùs occurrit.

7. *Bufo medius rotularis alveolo utrinque donatus.* Color in ambitu sub-pallidus est ; alveolus ab utràque parte rubiginosus. Cum priore, habuimus.

8. *Bufo medius Orbiculatus*, seu *Bufo vulgarior Anglicus*. Majusculo atro rubenti triplo aut quadruplo minor est. Colore insigniter variat ; aliàs anthracino, aliàs fusco sive hepatico, aliàs alio. Sed & nonnunquam cæruleis maculis & lineolis notatum vidimus. Unicum habeo crassiusculum, & cæteris minùs depressum, colore pallido aut exalbido ; atro limbo aut fasciola fimbriatum. In latomiis & sabuletis Angliæ Mediterraneæ, passim obviam habuimus : at specimen novissimè dictum, in lapicidinâ Faringdonensi. Passim inveniuntur & minores & minimi Orbiculati, & forma quasi, in plano ovatâ.

9. *Bufo minimus à convexori parte rugosus.* In Agro Glocestrensi & Oxoniensi cum reliquis, sed rariùs.

10. *Bufo minor, trochili adinstar fastigiatus*, seu *Bufo Trochilus dictus*. Coloris est ex anthracino sub-cærulei, & fimbriâ nigra donatus. E sabuleto Faringdonensi.

11. *Bufo minimus Trochilo affinis, calyculo striato longiusculo donatus.* Caliculus striatus castanei coloris est : umbonis idem ferè color ac præcedentis. In Sabuleto Faringdonensi aliquoties observavimus.

12. *Bufo Scaphoides, extremo altero latiore.* In lapicidinâ Marchamiæ & Garvordiæ, & ad Faringdoniam non admodum rarus. Omnes *Bufo* ut id semel dicam,

dicam, variant colore ; at Anglicani ut plurimum ad nigrum, fuscum, & hepaticum accedunt. Hos lapides in Anglia, ante hac inveniri non constat : nam Bufonites D. Plot in Historia Oxoniensi, hujus loci non est. Bufonites D. Christophori Meret (si locum memini) lapides non erant ; sed ipsissimi lupi piscis dentes, &c. Quod quidem satis feliciter sive ab ipso sive à quovis, alio, excogitatum. Quippe hi lapides aliud non sunt, me Judice quam luporum aliorumque piscium dentes, habitu & vestitu lapidum personati. In fodinâ Garvordienfi septimo ab Academiâ milliari, (ob rariores quos habet lapides, diutius à me frequentatâ) tandem incidi in maxillæ piscis ut videtur fragmentum ; cui tres bufonites triangulato quodam ordine, arcuè inhærebant ; bini scilicet *Fig. 19.* orbiculati minores, & minimus tertius. Sed de Bufonitibus hæc dicta sufficiant, quos si id magis placeat Ichthyodontes Scutellatos in posterum jure merito appellare poteris.

13. *Plectronites lævis mucrone paulò acutiore.* Plectonitres non aliud est quàm Ichthyos quidam tereti-formis, plectrum gallinaceum referens, radice Bufonitis instar, excavatâ. Colore, superficie & magnitudine, ut reliqui Ichthyodontes variant. Passim in lapacidinis Bercherianis, cum Bufonitibus & Glossopetris inveniuntur. Striato periosteo denudatos suspicor quotquot marmoris adinstar politos cernimus.

14. *Plectronites major altiusculè striatus, mucrone magis obtuso.* Hujus lapis non nisi duo exemplaria hætenus videre contigit. Quid à priori differat ex Titulos colligere possis. E fodina Stunsfeldienfi.

15. *Rhombus minor sive medius.* Quem rhombum appellare placuit, compressior est quidam lapis ; præterpropter cucumerini seminis magnitudine ; formâ ad rhomboidem accedenti. Ab uno latere convexior est, & colore ut plurimum nigro : Ex altero planior, & testaceâ quadam lamella obductus ; quæ mirè splendet,
colore

colore anthracino vel ex atro rubenti. Hæc testula siue testacea lamella figuram rhomboidalem constituit, margine quandoque leviter inclinato; & quoad materiæ elegantiam, elimatum Testudinis exuvium quàm proximè similat. Invenimus in lapicidinis Marchamensibus & Charletoniæ. Dantur etiam & majores & minimi, & quidam figurâ à rhomboidali multùm discrepantes. Rhombum quoad materiæ & coloris elegantiam excipit.

16. *Scalpellus*. Est autem Scalpellus, lapis figurâ ab omnibus huc usque notis prorsus alienâ. Quod ad magnitudinem spectat & colorem, cum rhombo aliquatenus convenit. At figurâ est omnino sibi propriâ. Scalpellum nominare volui, quoniam cultelli mucronem quodammodo mentitur. Nam lamellatus est lapillus; figurâ tamen trigonali, cum alio quodam angulo minùs eminenti. Facies altera omnino plana est & sessilis; sed altera ob demissum marginem, seu mavis transversas quasdam lineas eminentes, undiquaque leviter acclivis. Charletoniæ habui cum priore.

17. *Bufoniti Congener Gibbus lapis: seu Bufonites gibbus cognominatus*. Rarioris hujus lapelli de Bufonitibus agens, oblitus sum: iis siquidem adnumerare debui quantumvis aliâ gaudeat figurâ. Gibbus autem lapis, ex re nomen habet; nam Bufonites est non ut reliqui planè sessilis, sed omnino arcuatus: adeo ut si in plano posueris, lucem subtùs recipiat. Atque hinc à dorso elatiori, apud nos gibbi nomen sortitus est. In parte gibbosâ, foramen obtinet ad basim latiore; ei prorsus simile quo cæteri donantur Bufonites minores. In arenosis Marchamiæ Lapidinis invenit optimæ spei juvenis D. Joannes Archer è Collegio Reginenfi: quî inter alios lapides aliquam multos; ejusdem duo vel tria habet specimina. Nos postea in sabuleto Faringdonensi observavimus. Hactenus dictos lapides ut & alios aliquam multos, quos in Anglia Mediterraneâ inveni; pro piscium

piscium dentibus aliisque capitum ossiculis aut habeo, aut vehementer suspicor. Cæterum & eorundem vertebrae non paucas undiquaque in agris Glocestriæ Bercheriæ & Oxonii sparsas, observare licuit ; quos omnes generali nomine.

18. *Ichthyospondylos* appellare consuevimus. Sunt autem ii variò pro conditione loci, tincti : alii nigri, fusci alii ; quidam sublutei aut cinerei. Magnitudine etiam & formâ non imminùs variâ sunt quàm *Ichthyosstea* superiùs dicta. Invenimus qui latrunculos luforios magnitudine exuperent ; atque etiam viciæ semine minores. In arenosis fodinis Marchamensibus sine ullâ ferè (ut mihi visum est) materiæ ossæ jacturâ conservatos vidimus. Porro *Ichthyospondyli* aut raro aut nunquam inveniuntur pluribus simul junctis ; ut piscium vertebrae : Magno quidem indicio me judice, has non esse lapides spontaneos ad imaginem (cognatæ quantumvis materiæ) ossium, formatos. Nam si *natura subterranea*, quod *marina* perficit, præstare conatur ; quidni eodem opere ac labore quo singularem piscis vertebram ; integrum saltem Skeleton ut cætera nequeat, conficeret ? Sed hanc questionem satis strenuè ventilatam habemus, a viro, si quis alius Naturæ operum, peritissimo *D. Joanne Raio* ; in tractatu quodam Physico-theologico nuper edito ; qui nescio an ad manus tuas hæctenus pervenit. Quamvis & majorem adhuc speremus lucem à *D. Joanne Woodward*, Prof. Phys. Greshamensi, Viro siquid rectè sentio, non diligenti solum & industrio ; sed & ingenio perspicaci, & multimodè erudito. Is enim majorem Angliæ subterraneæ partem quâ patet, invisit ; & exinde opima satis retulit spolia : Thesaurum Philosophicum, quem (irridente quantumvis populo) *jam contemplatur in arca* : brevi (si Deus dederit) *Æconomix subterraneæ* studiosis impertiturus. Quin & Clariss. Vir, *D. Joannes Beaumont*, cujus urbanitatem una cum desideratissimo Seerupio experti sumus ; in Dissertationem contra Burnetium editâ,

Historiam lapidum singulari figurâ insignium, quos in sua provinciâ nasci comperit ; expectare jussit.

19. Maxillæ piscis fragmentum lapideum cum adnatis *Bufo nitibus*. Garvordix inventum.

20. *Glossopetra* exigua cum mandibulæ fragmento lapideo adnato. Faringdon.

At vero ad metam inopinatò pervenimus, jam nihil amplius adjiciendi est locus : & te forsàn diutiùs quam par est, hoc uno argumento detinui ; quamvis gratissimum esse jamdudum comperi. Vale (vir Ornatissime) amicorum quacunq; terrarum non immemor.

Oxonii, 20 Aprilis,
1693.

IV. *The Extract of a Letter from Mr. Anthony Van Leuwenhoek, S. R. S. to the R. Soc. containing several Observations on Cinnabar and Gunpowder.*

HAVING with the greatest niceness examined native *Cinnabar*, I could discover therein nothing worthy noting; wherefore I gave it a very strong Fire, upon which it soon began to move, many small Particles separating themselves from the rest, till they had crept into a cooler place ; and notwithstanding the great Weight of the *Cinnabar*, yet several considerable Particles as big as Pins Heads rose up from the Fire, and got into cooler places. When the Heat was encreas'd, the *Cinnabar* began to evaporate, a black Smoak arising, made up of
small